



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinas

Sterre, Jean Chrysostome van der

Antverpiæ, 1627

B. Ioseph Agrippinatis Presbyteri & Canonici Steiueldensis Ordinis
Præmonstratensis pia Opuscula.

urn:nbn:de:hbz:466:1-43032

B. I O S E P H
 AGRIPPINATIS
 PRESBYTERI ET CANONICI
 STEINVELDENSIS
 Ordinis Præmonstratensis
 PIA OPVSCVLA
Ex vetustis Codicibus MSS. eruta.

I.

*De his
 cap. 14. Vi-
 sa eius.*

Duodecim GRATIARVM ACTIONES.



RATIAs tibi, Domine
 IESVCHRISTE, quòd
 homo fieri dignatus es
 propter nos. Per illam in-
 effabilem charitatem, da nobis verum
 & perfectum amorem in te: & sicut
 Matrem tuam, ROSAM, intimè læti-
 ficasti; sic nos intimè lætifica in cor-
 pore & anima. Amen.

Gra-

Gratias tibi, Domine IESV CHRIS-
TE, quòd circumcifixus es pro nobis:
& tu abscinde à nobis omnia mala.
Amen.

Gratias tibi, Domine IESV CHRIS-
TE, quòd ad te, Regem gloriæ, stella
Reges duxit: & tu, per te, perducas
nos ad te. Amen.

Gratias tibi, Domine IESV CHRIS-
TE, quòd oblatus es pro nobis in
templo: & tu nos offer tuo Patri cæ-
lesti. Amen.

Gratias tibi, Domine IESV CHRIS-
TE, quòd baptizatus es pro nobis: &
tu laua nos à peccatis nostris in San-
guine tuo. Amen.

Gratias tibi, Domine IESV CHRIS-
TE, quòd in nuptijs aquas conuer-
tisti in vinum: & tu conuerte luctum
nostrum in gaudium, nos ad æternas
nuptias perducendo. Amen.

Gratias tibi, Domine IESV CHRIS-
TE, quòd ante Passionem tuam cum
Discipulis cœnare voluisti, teipsum

eis dans ad edendum & bibendum:
& tu da nobis sic te sumendum, vt te-
cum perpetuò possimus viuere. Amen.

Gratias tibi, Domine IESV CHRI-
STE, qui traditus es, & captus pro no-
bis: & tu libera nos à captiuitate æter-
na. Amen.

Gratias tibi, Domine IESV CHRI-
STE, qui flagellatus es pro nobis, irri-
sus, colaphis cæsus, spinis coronatus,
crucifixus, felle & aceto potatus, quin-
que vulnera perferens, mortuus & se-
pultus, & ad inferos tandem descen-
dens, tuos inde liberafti: & tu nobis
semper in omni affiftas necessitate,
protegas, defendas, & ab omni malo
nos conferues. Amen.

Gratias tibi, Domine IESV CHRI-
STE, pro his omnibus: & da nobis sic
Passionis tuæ memoriam agere, vt te-
cum possimus perpetuò viuere. Amē.

Gratias tibi, Domine IESV CHRI-
STE, quicum gloria à mortuis resur-
rexisti, ROSAMQUE intimè lætificasti:

per

per ROSAE merita, fac nos tecum re-
surgere, tecumque in æternum gau-
dere. Amen.

Gratias tibi, Domine IESV CHRI-
STE, qui die quadragesima cælos ad-
scendisti, & cælestes lætificasti: fac nos
per ROSAE merita ad te ascendere,
tecumque in æternum gaudere. Amē.

II.

IVBILVS seu HYMNVS de
SS. IIIOOO. Virginibus.

Ex diversis exemplaribus correctus.

OVERNANTES CHRISTI rosæ,
Supra modum speciosæ:

O* nitentes margaritæ,
Diligenter exquisitæ,
Eleganter expolitæ:

Aduenite, me audite,
In seruum me suscipite.

Ego* pauper atque talis,
Ut sim vester specialis,
Vestro feruens in amore,

P 4

Ve-

* Ridentes
habent ple-
rique co-
dices.

* Precor
habet unū
exemplar.

Vestro fiat cum fauore;
 Dum vos oro vel honoro,
 Gratum vestro sit in Choro,
 Et vicem, quæso, reddite.

O puellæ, ô agnellæ,
 CHRISTI charæ COLYMBELLÆ,
 Sine dolo, sine felle:
 Cæli stellæ, Dei cellæ:
 Iubilare purpuratæ,
 Coronatæ conregnate
 Cum Agno innocentia.

O quàm estis vos securæ,
 Deo semper fruituræ!
 Cum quo estis permanfuræ,
 Numquam eo carituræ:
 Quem videtis, quem tenetis,
 Qui vos vlnis stringit lætis,
 Serena ridens facie.

O reginæ puellares,
 Passione sancta pares,
 Deo vos familiares,
 Prædilectæ, singulares:
 Nunc florete, nunc gaudete,
 Semper nouæ, semper lætæ,

Festi-

Festiuum Chorum ducite.

Vos iucundæ philomenæ,
 Quarum turmæ sunt vndenæ,
 Sponsæ Dei, Deo plenæ:
 Decantate laudem benè
 Virginales per choreas,
 Et cælestes per plateas
 Iucundum carmen dicite.

Date voces: in sublimi
 Angelorum chori primi,
 Locum dantes admirentur,
 Iucundantes collatentur:
 Vestram nouam melodiam,
 Inauditam harmoniam,
 Auscultet Sancta Trinitas.

O dilectæ conforores,
 Quarum numquam marcent flores;
 Ipse sibi vos præuidit,
 Qui de valle vos præscidit,
 Vos elegit, vos collegit,
 Et in sertum sibi fregit,
 Pulcherrima Diuinitas.

Te, ô turba generosa,
 Præit illa florens ROSA,

P 5

Sola

Sola ROSA principalis,
 Nec est ibi ROSA talis,
 Quæ sit sibi coequalis,
 Mater tota curialis
 Quæ tulit cæli Dominum.

Ipsa est dilecta mea,
 Vos præcedens in chorea:
 Cuius nomen & persona
 Sua lucent in corona,
 Quam inscripsit Deus Pater:
 Hæc est illa IESU Mater,
 MARIA, Virgo virginum.

Hæc vos præit cum honore,
 Trahens suo vos odore:
 Ferens signum vexillare,
 Modulatur vobis clarè:
 Per floreta, per roseta,
 Promit vobis carmen læta;
 Cantantes subsequimini.

Summas voces Angelorum,
 Omne genus musicorum,
 Hæc suprema philomena
 Sua vincit cantilena:
 Quam sequentes condecenter,

Dili-

Diligenter & ardentem,
Dilectum complectimini.

Dulcis Sponsus, qui vos amat,
Sic ad vos de throno clamat:
O dilectæ, ô Sodales,
Sponsæ meæ speciales,
Me videte, me habete,
Memetipsum possidete,
Sentite, perfruimini.

Per meipsum vos complector,
Et in vobis condelector,
O victrices, ô felices,
Meæ charæ dilectrices:
Vester ego sum & ero,
Quem amastis corde mero:
Me Sponsum osculamini.

Ad hanc vocem, ô athletæ,
Lætas aures adhibete:
Quid decanter peraudite,
Et post Agnum mitem ite:
Novis stolis decoratæ
Post dilectum ambulate,
Cantantes cum tripudio.
Eia! modò iubilemus,

Lau-

Laudem Deo decantemus,
Qui à mundo nos protexit,
Et de mundo nos transuexit:
Nos de terris adunauit,
Et in cælis coronauit,
Nos implens omni gaudio.

Exultemus & lætemur,
Et cum Agno iucundemur,
Delectemur, epulemur,
Nouo cantu modulemur:
Hic est Annus Iubileus.

O quàm dulcis es, ô Deus!
Post te ardentè currimus,

Æstuentes præ amore
Nos consperge dulci rore,
Sponse noster prædilecte:
Trahe nos post te directè,
Te sitimus, te sentimus,
In cor tuum omnes imus;
De vena vitæ bibimus.

In te omnes commoramur,
Te in nobis amplexamur,
Vultum tuum contemplamur,
Quem amantes inflammamur,

Et

Et nos fatis admiramur,
 Quòd de te non satiamur:
 Excedis enim omnia.

Tibi laudem, cum MARIA,
 Quæ nos duxit in hac via,
 Nostro damus Saluatori,
 Pro quo dulce fuit mori:
 Qui amasti, qui iuivisti,
 Qui ad te nos pertraxisti:
 Tibi sit laus & gloria.

O insignes sponsæ Dei,
 Mementote, quæso, mei:
 Non sit vobis hoc indignum
 Paupertatis meæ signum:
 Et hoc vobis carmen charum,
 Quamuis paruum, quamuis parum,
 Feratis cum lætitia.

O præclaræ vos puellæ,
 Nunc implete meum velle:
 Et, dum mortis venit hora,
 Subuenite sine mora.
 In tam graui tempestate,
 Me præsentis defensate
 A dæmonum instantia.

Nulla

Nulla veſtrûm ibi deſit:
 Virgo Mater prima præſit.
 Si qua mihi fæx inhæſit,
 Quæ me ſua labe læſit,
 Veſtra prece procul fiat:
 Vos præſentes hoſtis ſciat,
 Et ſe confuſum doleat.

Quidquid vniquam feci mali,
 Veſtro flore virginali,
 O puellæ, palliate,
 Et me Deo præſentate:
 Coram eo mecum ſtate,
 Cauſſam meam deſenſate:
 Ne draco locum habeat.

Verſ. Ora pro nobis S. VRSVLA cum
 Sodalibus tuis. *Reſp.* Vt digni.

Oratio.

A Vxilientur nobis, Domine IESV
 CHRISTE, B. VRSVLAE & So-
 dalium eius merita glorioſa: vt in hora
 mortis noſtræ earum protectione mu-
 niti, te miſerante, laqueos inimici eua-
 dere valeamus. Qui cum Patre.

O R A-

III.

ORATIO ad D. N. IESVM CHRIS-
TVM, quæ ab eodem creditur
composita.

Ex Cantico canticorum magna ex parte desumpta.

I E S V dulcis & decore, Cant. I.

R O S A fragrans miro more:

Sponse meus amorose,

Supra modum speciose:

Dilecte mi pulcherrime.

Vbi, quæso, commoraris?

Vbi vis, vt perquiraris?

Vbi cubas, aut quiescis, Ibid.

Qui sic sapis & dulcescis?

O dulcis sapor animæ!

Trahe me, ô mi Dilecte: Ibid.

Meam in te mentem flecte:

Tuo curram in odore,

Fatigatus præ amore.

Da manum, dicens: Sequere.

Vide mentem, quæ te videt,

Cuius cor ad te subridet:

Nul-

Nullam curam habet sui,
Vt Dilecto possit frui.

Sta, Chare mi, conuertere.

Cant. 2. Esto mihi, simque tibi:
Vbi cubas, sim & ibi.

Mecum meo sis in lecto,
Vt cum tali sim Dilecto.

Cant. 1. Sit Lectus noster floridus.

Domus nostra liliosa,

* MARIA. Delicatâ sit cum * ROSA.

Nam & noster est Dilectus
Pulcher totus & perfectus,

Cant. 5. Rubicundus, candidus.

Cant. 7. Appropinqua, veni, Chare:

Cum amante commorare.

Ne offendam te amicum,

Tolle, quidquid est iniquum,

De cordis mei medio.

Omne bonum de te spero:

Corde fruor te sincero:

De me profus nil præsumo,

Cuius vita par est fumo.

Tu scis in me, quod nescio.

Ergo veni, I E S V bone:

In

In cor meum te repone.

Esto mecum ista vice,

O dilecte mi Amice:

Sic venias, vt sentiam.

Iam cor meum dilatatur,

Et iam in te delectatur:

Sentit verè te præsentem,

Sentit te in se manentem:

Prægustat suauem gratiam.

O quàm dulcis hic affectus,

Quo iam gaudet meum pectus!

Blandus Amor atque lenis

Meis natat iam in venis.

O tantæ grates Gratia!

Mihi, Chare, coaptare:

Mihi totus applicare:

Te amantem amplexare,

Et cor meum osculare.

O qualis hîc es hodie!

O dulcedo magna Dei!

Imple sinum cordis mei.

Dulcis Amor, augmentare:

Quidquid placet, operare:

Da mel, & fauumingere.

Q

Cel-

- Cant. 2. Cellam pande, plue vinum:
Funde lac, da mel diuinum:
- Psal. 35. De torrente voluptatis
Largè da; nam habes fatis.
Non possunt hæc sufficere.
Temetipsum dabis totum:
Da de manu tua potum.
- Cant. 1. Cellam tuam intro tecum:
Totus eris ibi mecum,
Daturus dulce poculum.
- Cant. 8. Da & gustum de lagena,
Granatorum musto plena:
Cordis tui de catino
Principali da de vino,
- Cant. 1. Post poculum dans osculum.
Iam cor meum non sit suum:
Viuat tibi, sitque tuum:
Sit in te, & tu in eo:
Ut quiescat sic cum Deo,
Fiatque vnus spiritus.
- I. Cor. 6. Cordis mei in conclau
Fortè
Cant. 5.
vel 8. Fare mihi voce suaui,
Sponse meus tam dilecte,
Singularis, præelecte,

Quem

Quem diligo medullitus.

Da responsum colloquenti,

Te ex corde complectenti:

In meipso tu loquaris;

Et, vt intus audiaris,

Auditum cordis aperi.

Quid in cælis mihi eris,

Qui tam dulcis hîc haberi?

Quid es ibi, Rex cælorum,

Choros implens Angelorum,

Qui talis hîc es pauperi?

Vbi lucent tot coronæ,

I E S V dulcis, Deus bone;

Quàm es ibi gloriosus,

Et omnino copiosus!

Quàm largus in dulcedine!

Tuo vacant in amore,

Qui te vident in decore.

Ad tam dulce blandimentum,

Post hoc carnis tegumentum,

Me fer pro tuo nomine.

Vbi coram tuo vultu,

Raptus carnis de tumultu,

Fruar te, pro velle meo,

Q 2

Satia-

Pſalm. 16. Satiatus dulci Deo,
Amore indiuiduo.

Cant. 2. Languet meum cor & aret,

& 4. Quoadusque non apparet,

*De huius-
modi lan-
guore vide
cap. 53. Vi-
ta.* * Cuius me sagitta ferit.

O quàm benè mihi erit,

* Cant. 4. Cùm fruam te perpetuò!

Pſal. 141. Eia, ſolue me captiuam,

Vt in æuum tecum viuam.

Quòd te amo, non ignoras.

Frangere ergo longas moras;

Quò citiùs perficiar.

Cant. 4. Ad amœna vitæ loca

Sunamiten tuam voca:

Mei quæſo memoreris,

Et in longum ne moreris;

Aut hîc amore moriar.

A M E N.

Alia

I V.

Alia ORATIO, quæ ab eodem creditur
esse composita, ad DEIPARAM
VIRGINEM.

*Ea in vetusto Codice præcedentem imme-
diatè sequebatur.*

GAUDE, plaude, clara ROSA:
Esto mæsto chara Prosa:

Salutanti, supplicanti,

Te roganti, dic amanti

In CHRISTO: Te seruauero,

Ex quo nusquam absque pia

TRINITATE ES, MARIA,

Atque choris Angelorum;

Corda mouet hoc tuorum,

Et me qui te desidero.

Gaude, mea valdè grata:

Non ingrata, sed parata

Sis indigno famulanti,

Te instantè collaudanti:

Accepta hoc, quod profero.

Gaude: volo te sentire.

Q 3

Quòd

246 BEATI IOSEPH
Quòd sis præsens, fac me scire.
Intuentem intuere:

Sinum tuum da patere.

Me totum tibi offero.

Gaude, mea specialis,

Pulchra, suavis, curialis,

Meus amor, spes in malis:

Non est tanta, non est talis;

Tu omnium pulcherrima.

Aue Mater, aue chara:

Sancta Parens, aurem para

Salutanti, supplicanti:

Te roganti & amanti,

Tu semper esto proxima.

Tu imago Dei viua,

Sanctitatis expressiua:

Vultum tuum rosulentum,

Adornatum, Inculentum,

Recogito, considero.

Vellem, vellem te sentire:

Quòd sis præsens, fac me scire:

Aurem tuam huc inclina.

Cæli mitis es Regina:

Me totum tibi offero.

Gaude,

Gaude, mea speciosa:
 Tibi clamo: ROSA, ROSA,
 Pulchra nimis & formosa:
 Super omnes amorosa:
 Tu sola sine compare.

Gaude, mea tu dulcedo,
 Verè dulcis plùs quàm * medo:
 Tu cor meum dulcorare
 Debes, & hoc debriare
 Voluptuoso nectare.

Gaude, cuius ad conspectum
 Meum patet imperfectum:
 Quod tu, pia Mater, vides;
 Vides quidem, nec derides,
 Misericors, compatiens.

Ad me vultu vide læto;
 Et da mihi inquieto,
 Da despecto & neglecto,
 Quod affecto, quod exspecto,
 In multis insufficiens.

Gaude, felix & decora:
 Gaude, gaude, omni hora,
 Cuius amor est vt mel:
 Cuius sapor nescit fel:

Q 4

Qua

* Mulsam
 intelligit.
 Fit etiam
 medonis
 mentio in
 MS. Vita
 S. NOR-
 BERTI.

Qua nihil sapit dulcius.

Gaude, cuius vultus ridet.

O quàm felix, hunc qui videt!

Multùm lætus admiratur,

Gaudet, ardet, inflammatur,

Amore tuò faucius.

Gaude semper & exulta,

Auro, gemmis benè culta;

Mea mens ad te suspirat.

Qui non amat te, delirat;

O amor & amœnitas!

Gaude læta sine meta,

Mitis, suavis & quieta:

Eia, chara Mater, vide:

Vide me in tua fide:

Te diligentem dilige.

Gaude, Festum cordis mei,

O solemnis Sponsa Dei:

Quod de corde meo meat,

In cor tuum fac vt eat:

Huc aurem tuam porrige.

Gaude, cuius post odorem,

Cor mouetur ad amorem:

Foues illud, ne frigescat:

Moues

Moues illud, ne lentescar,
Et dicis: Cur non curritis?

Gaude, cuius est vox illa,
Quæ nos lactat, vt mamilla:

Ad me omnes vos transite; Eccli. 24.

Me gustate & sentite,

Qui me concupiscitis.

Gaude, quæ ad tuos clamas,

Quos, vt pia Mater, amas: Ibid.

Ego Mater sum Amoris

Magnæ Spei & Timoris,

Ac Charitatis speculum.

Gaude, pura tu puella,

* Dominatoris Domicella: * Fortè

Cuius tuto sub mantello, Domnato-

Nullus timor est misello; ris.

Sed timidis latibulum.

Gaude Mater: quam qui audit, Ibid.

Contra carnem aurem claudit:

Quam audire nulli graue,

Quam sentire tam suaue.

Tu omnibus es omnia.

Gaude festa, numquam mœsta:

Tu honesta, tu modesta:

Q 5 Gau-

250 BEATI IOSEPH

Gaude, gaude, bona Mater,
In qua gaudet Deus Pater;
In cuius gaudes Curia.

Gaude, gaudens sine fine,
O Magistra disciplinæ:
Cuius scholam frequentare,
Cuius virgam supportare,
Non grauat tuos filios.

Gaude valdè diligenter:
Diligentes te ardentem,
Si quid errant negligenter,
Nescienter aut scienter;
Fac culpæ, pœnæ nescios.

Gaude plus quàm vehementer.
Te amantes tam libenter,
Veneramur reuerenter,
Salutamus tam frequenter:
Attende, ô charissima.

Gaude, gignens Dei natum,
Tractans, lactans osculatum
Reuerenter, diligenter:
Quo me frui da frequenter,
Alumna fecundissima.

Gaude, pro mœrore tristi,

Quem



Quem in morte habuisti,
 Illa dura in tortura,
 Et clauorum infixura
 Tulisti, amantissima.

Gaude, clara multis signis:
 Cuius amor globus ignis,
 Carbo, lampas, fax, scintilla:
 Tu insignis, tu pusilla,
 Tu talis, qualem quærimus.

Gaude, cuius dulcis amor
 Est in corde fortis clamor:
 Qui dum præsens experitur,
 Cor & pectus aperitur;
 Ægrotat ardens animus!

Gaude, suavis, amorosa;
 Consolare me * formosa.
 Sapis nobis ô quàm benè!
 Cuius venæ melle plenæ,
 Dulcedo iubilantium.

Gaude, Virgo verecunda,
 Rubicunda, lætabunda:
 Cuius vultum is qui videt,
 De te gaudet, ad te ridet:
 Nam formas vincis omnium.

Gaude,

* Fructuo-
 sa habeba-
 tur, sed
 malè.

Gaude, cum his qui te amant,
 Tibi GAUDE qui proclamant:
 Quorum cor te contemplatur,
 Complexatur, non vexatur,
 * Sed totum in te rapitur.

* Deo
 sed.

Gaude, gaude: dico tibi.
 O quàm dulce est, quod bibi!
 Qui te quærit, numquam perit:
 Tu quem amas, tuus erit.
 Beatus, qui te sequitur.

Gaude, cuius ex feruore,
 Cor ebullit in amore:
 Quod à motu vix quiescit;
 Ingemiscit, si frigescit:
 Quem tangis, ardet dulciter.

Perge mecum tu in mente:
 Tecum ero, te fauente:
 Non inanem me transibis;
 Imò in me tota ibis,
 Mansura mecum iugiter.

Gaude ROSA speciosa,
 Super Rosam tu formosa:
 Tu es ROSA singularis.
 Sola ROSA tu vocaris:

Tu

Tu Liliū & Viola.

Gaude, suavis, plena fauis,
Blanda charis, nulli grauis:
Cordi meo tu iungaris.

Ad cor meum tu loquaris:
Nam ardet nunc ad oscula.

Gaude summa Creatura,
Mater Dei, Virgo pura:
Pulchra nimis, intus, foris:
Fons dulcoris, fax amoris,
Et pectoris incendium.

Gaude, laude infinita:
Redimita Margarita:
In Regali throno sita:
Tuus amor mea vita,
Et meum desiderium.

Gaude tota purpurata,
Viuis gemmis constellata:
Tu cælorum es Præлата
Elevata, non elata;
Subiecta regens æthera.

Gaude, cuius in corona
Perfectorum lucent dona:
Cuius splendor est vt ignis:

Cuius

Cuius honor est insignis.

Quis posset fari cetera?

Gaude, cuius in adspectu

Viuat amor in defectu.

Cordis mei patet bulla;

Cuius scatet iam medulla.

O chara, veni, propera.

*Cap. 45.**Vita, B.***MARIA***apertum**dilatatum;**celebrantis**pectus in-**troire visa.*

Intra, dulcis, meum tectum,

Tuum tecum fer Dilectum,

Quia meum scis affectum.

In me tuum sterne lectum.

Te diligo: considera.

Gaude, cuius ardet finis;

In quo lucet Sol diuinus.

Tuos charos huc inuita:

Egressuros de hac vita

Tu trahe nos; non altera.

Dulce nimis est, quod sapit,

In quo tuus amor capit.

Lingua carnis obmutescit:

Clamor cordis non quiescit:

Mens languet amorifera.

Gaude nunc, Dilecta mea:

Cuius vadunt in chorea

Omnes

Omnes tui speciales,
 Speciosi, curiales,
 Cantantes nouum canticum.

Gaude, dulcis Philomena,
 Cuius vox amore plena:
 Tu suauis cantilena.

Laus Sanctorum es amoena,
 Et gaudium Angelicum,

Gaude, clara lux solaris:
 Quæ nos quæris, vt quæraris.

Lassos piè præstolaris;
 Occurrentes amplexaris
 Charitatis brachio.

Ad te vado corde læto:
 Tibi loquar in secreto:

Hoc, quod peto, promptè dabis;
 Temetipsam non negabis;

Quin dicas: Ecce, venio.
 Gaude, decor Virginalis:

Tu conserua nos à malis,
 Et in tua laude verè

Dona, Virgo, nos gaudere,
 Gaudentium lætitia.

Gaude, gaude: modo miro,
 Tu

Tu es Mater absque viro.
 Te amantem audi precor;
 Sine causa te non sequor,
 O dulcis amicitia.

Gaude, propter illud AVE,
 Cordi tuo tam suaue.
 Totus manet Deus tecum:
 Tota secum, tota mecum,
 Et mea tecum anima.

Gaude, cuius cor oblectat,
 Cùm te mea mens affectat.
 Salutata gratularis:
 Adsum, dicis, dum vocaris,
 O Virgo benignissima.

Gaude, Fons, qui non siccaris.
 O quàm suavis, dum gustaris!
 Tuus riuus, amor viuus,
 Per medullas transitiuus,
 Beatus, quem inebrias.

Te qui bibit, non peribit.
 Quis amare te nequibit?
 Te qui edit, non abscedit.
 Sitibundus sponte redit:
 Me foras non abijcias.

Gau-

Gaude, mea diues Hera,
Tota mea spes sincera.

Audi me in veritate:

Tu in vera charitate

Es totum quod desidero.

Viues, viues semper diues:

Cuius clari sunt conciuēs.

Is, qui dicit tibi GAUDE,

Semper tecum sit in laude,

In Sanctorum numero.

Gaude, sedens in decore,

Semper ardens in amore:

Cuius vultum concupiscunt,

Qui amare te addiscunt,

Te solam, & non aliam.

Gaude rosis coronata,

Omni flore purpurata:

Cuius fulgens indumentum,

Est candoris blandimentum,

Decorans cæli curiam.

Gaude vernans Paradisus,

In qua viret noster visus:

De qua surgit flos dulcoris,

De qua fluit fons amoris,

R

Et

Et omne quod est optimum.

O amœna vitæ vena!

Languet mea mens egenâ:

Nil est valens, te non habens:

Perit vadens, malè tabens:

Frigentem foue animam.

Gaude chara, valdè clara,

Tu MARIA, non amara:

Mihi, precor, applicare,

Et cor meum * dulcorare:

** Videtur
pro actiuo
positum.*

Nam satur est, quem satias.

O Regina, sis vicina:

O dilecta, non declina:

Temetipsam non absenta.

Me frequenta, me sustenta:

Nec debilem abijcias.

Gaude Mater Verbi Dei:

Me exaudi: te elegi.

A V E gaudens tibi clamo:

Te, vt possum, totus amo,

Et totis meis viribus.

Ante thronum, tu decora,

Dulcem Prolem pro me ora:

Quod rogaris, prosequaris:

Datur

Datur tibi, quod precaris,
Præ Angelorum millibus.

Gaude, mea Procuratrix,
Peccatorum excusatrix:
Leua lapsum, fœdum laua,
Tergerge, dele facta praua:
Da castè, cautè viuere.

Gaude, virga numquam arens:
Aret autem tui carens.
Tuo florens in amore
Stet cor meum in vigore;
Te meditetur liberè.

Gaude, clara Stella maris,
Mater magni luminaris:
Rotam Solis speculari,
Trinum Deum contemplare
In sua pulchritudine.

Tu in eo verè tota
Fixa manens & immota,
Deum viuum intuere:
Quem iucundum est videre
In suo viuo lumine.

Gaude, lux indefectiua,
Tenebrarum expulsiua;

R 2

Nutri-

Nutritiua charitatis,
Christi charis chara satis,
Supra modum amabilis.

Meum GAUDE fauens audi:
Hoc inscribe tuæ laudi,
Vt sit dulce, vt sit suaue:
Te vt laudem, mihi faue,
Mater desiderabilis.

Gaude chara, carens pari,
Quæ sit digna sic amari.
Quam amarem, ad quam irem,
Tam suaue cum te scirem,
Quæ nullam habes similem?

Gaude, mundi clara dies,
Cordis mei grata quies:
Ne sit amor sine causa,
Hac in nocte mecum pausa;
Da mentem castam, humilem.

Gaude, ROSA charitatis,
Admirandæ suauitatis:
Toto corde complectenda,
Et nequaquam dimittenda:
Salutanda dulciter.

O dilecta, meum lectum

Purga,

Purga, purum dans affectum,
In quo simul collocemur:

Et cum CHRISTO * connectemur * *An copulemur?*
Ardenter & sinceriter.

Gaude, plaude, chara mea:
Mentem sanctam in me crea:
Ut sopiti cordis vapor
Sit amoris dulcis sapor,
Et suaue desiderium.

O iucunda, me circumda
Charitatis manu munda;
Ut amare te assuescam,
Et amando non quiescam:
Te mihi da in præmium.

Gaude semper tota mecum,
Audi clemens vota precum.
Gaude læta plus quam satis:
Laudes meæ paruitatis
In tuis sonent auribus.

Chara mea, requiesce,
Et, ut Sol, in me diesce:
Totum tibi me commendo:
Tu excusa, quod offendo
Diebus atque noctibus. Amen.

R 3 Pre-

V.

*Precula de quinque Gaudijs B. MARIAE
Virginis, quæ etiam B. IOSEPH esse
creditur.*

I.

GAUDE Virgo gratiosa:
Verbum verbo concepisti.
Aue Maria.

I I.

Gaude Tellus fructuosa:
Fructum vitæ protulisti.
Aue Maria.

I I I.

Gaude ROSA speciosa,
CHRISTO vernans resurgente.
Aue Maria.

I V.

Gaude Mater gloriosa,
IESU cælos ascendente.
Aue Maria.

V.

Gaude fruens delicijs
Nunc ROSA iuncta Lilio:

E mun-

Emunda nos à vitijs,
Et tuo iunge Filio.

Aue Maria.

Oremus.

ROGO * ergo te miserorum consola-
trix: vt per hæc quinque * verba
gandij, quæ ad laudem tuam, vice
quinque Vulnerum Filij tui, decanta-
ui, in obitu meo, pia Mater, animam
meam clementer suscipias, & ab om-
nibus inimicis eripias, & apud tre-
mendum Iudicem pro me interuenias,
vultumque Filij tui dilecti, & deco-
rem gloriæ tuæ mihi & omnibus fide-
libus in perpetuum ostendas. Amen.

* An ego?

* Vnum ex-
emplar ha-
bet, verba
gaudia.

fortè per
hęc V. gau-
dia. aut, per
hęc V. ver-
ba gaude.

Sic cap. 14.

Vita habe-
tur: Matrē

Domini

nouorum

verborum

gaudijs,

gaudia sua

ipsi referē-

tibus, &

multipli-

cato Ange-

licæ Salu-

tationis

verficulo

salutauit.

V I.

Sequentia de 11000. Virginibus.

VIRGINALIS turma sexus,
IESV CHRISTI quæ connexus
Dono sentis gratiæ.

Flos candoris tui rubet,
Trucidari dum te iubet

R 4

Tortor

Tortor pudicitia.

Britannorum insulae

Rector, pater V R S V L A E

* Dionethus claruit.

* Al Deo-

notus.
* Vocatur
etiam Ac-
therius, sed
melius Co-
nanus.

Hanc * Conanus Virginem,

Propter pulchritudinem,

Parem thori voluit.

Procos mittit, & precatur;

Minis terret, si spernatur,

Sibi poscens V R S V L A M.

Pater eius, iam Baptismi

Fonte lotus, Paganismi

Prorsus vitat copulam.

Interim V R S V L A

Christi discipula

Docta per somnium,

Statuit nuptias,

Petens inducias

Trimatus spatium.

Vice dotis coniugij,

Reginae votis habiles,

Dato sumptu nauigij,

Coæuæ dantur nobiles.

Vndena demum millia

Sponsa

Sponsæ transmittit virginum,
 Ducunt naues per maria,
 Curam spernentes hominum.

Aura flante leniùs
 Discedunt à littore:
 Huc illucque sæpiùs
 Plano ludunt æquore.

Sic manus feminea
 Rexit, dante Domino,
 Naues, quas Basilea
 Breui vidit termino.

Relictis nauibus
 Ordinant acies,
 Ventis & æstibus
 Exponunt facies
 Et Romam adeunt.

Per Monasteria
 Fundentes lacrymas,
 Trahunt suspiria:
 Commendant animas
 Sanctis, & redeunt.

Quam in portu reliquerunt,
 Classẽ simul inuenerunt:
 Magnum flumen & amœnum

R 5 Naui-

266 B. IOSEPH PIA OPVSCVLA.

Nauigantes intrant Rhenum,
Per Dei clementiam.

Hinc ad locum passionis

Ducit eas Dux agonis:

Florem suæ iuuentutis

Parui pendunt spe salutis,

Euntes Coloniam.

O felix Colonia!

Iuxta cuius mænia

Barbarorum rabies,

Enses, tela, frameas,

Cultos in virgineas

Cruentauit acies.

Felicia sunt virginum

Connubia tot millium,

Agnum quæ sine macula,

Duce sequuntur V R S V L A.

Quarum orationibus,

Felices cum felicibus

Pace fruamur sedula,

Per sæculorum sæcula.

A M E N.

F.IO.